

SKUPŠTINA KANTONA SARAJEVO

Z A P I S N I K

**SA 8. HITNE SJEDNICE SKUPŠTINE KANTONA SARAJEVO
ODRŽANE 31.07.2017. GODINE SA POČETKOM RADA OKO 23,00 SATA**

U SALI GRADSKOG VIJEĆA

Sarajevo, juli 2017.

Predsjedateljica Ana Babić je otvorila 8. hitnu sjednicu Skupštine Kantona Sarajevo, odmah nakon zaključivanja rada na 32. Radnoj sjednici Skupštine Kantona Sarajevo.

Predsjedateljica je informisala da je na zahtjev Vlade Kantona Sarajevo održan Kolegij 31.07.2017.godine u 22 sati i 55 minuta koji je utvrdio na osnovu člana 71 i prihvatio da se održi Hitna sjednica Skupštine Kantona Sarajevo sa dvije tačke dnevnog reda, i to:

1. Razrješenje predsjednika i članova Skupštine VIK-a,
2. Imenovanje v.d. predsjednika i v.d. članova Skupštine VIK-a

SKUPŠTINA JE JEDNOGLASNO PRIHVATILA PREDLOŽENI DNEVNI RED ZA 8.HITNU SJEDNICU.

AD – 1.

RAZRJEŠENJE PREDSJEDNIKA I ČLANOVA SKUPŠTINE VIK-A

Premijer Elmedin Konaković kao predlagač je informisao sljedeće:

"Prva tačka, dakle Rješenje o razrješenju Skupštine KJKP "VIK" u kojem stoji u Rješenju Vlade Kantona Sarajevo u skladu sa Zakonom o javnim preduzećima zbog loših rezultata i lošeg poslovanja, razrješava se Skupština u sastavu

1. Hadžan Konjo predsjednik
2. Mersiha Duraković član
3. Miras Ibrović član.

"To je prijedlog Vlade Kantona Sarajevo Skupštini Kantona Sarajevo."

Predsjedateljica je konstatovala da nema prijavljenih za pitanja i raspravu pa je pozvala zastupnike da se izjasne o ovom Rješenju.

SKUPŠTINA JE JEDNOGLASNO (27 "ZA") DONIJELA RJEŠENJE O RAZRJEŠENJU SKUPŠTINE KJKP "VIK"D.O.O. SARAJEVO.

AD-2.

IMENOVANJE V.D. PREDSJEDNIKA I V.D. ČLANOVA SKUPŠTINE KJKP VODOVOD I KANALIZACIJA

Premijer Elmedin Konaković kao predlagač je podnio uvodne napomene i naveo sljedeće:

"Dakle, rješenje o imenovanju v.d. na poziciju v.d. članova Skupština KJKP VIK na period do imenovanja člana, na period ne duži od šest mjeseci imenuju se:

1. Muamer Kosovac, v.d. predsjednika
2. Sedin Kozadra, v.d. član
3. Faruk Šahbegović, v.d. član

"Rješenje stupa na snagu danom donošenja i objavit će se u Službenim novinama Kantona Sarajevo."

Zastupnik Predrag Kojović je postavio pitanje i konstatovao sljedeće:

"Zahvaljujem predsjedavajuća, očigledno je da smo dovedeni u jednu dosta nezahvalnu situaciju. Razriješili smo iz poznatih razloga, diskusiju smo imali. Ali nama su sada ovdje samo izrečena tri

imena koja nekima možda nešto znače, a većini od nas ne znače ništa niti znamo nešto o tim ljudima niti imamo neke njihove biografije. Svjesni okolnosti zbog kojih ovo radite premijeru, ono što smo mi u razgovoru sa Samostalnim klubom dogovorili da jednostavno nama je potrebno da vi preuzmete odgovornost za imenovanje ovih ljudi i njihov rad u ovom periodu."

Premijer Elmedin Konaković je dao odgovor kako slijedi:

"Ovo je jedna potpuno netipična situacija, koja nema nikakav ima jedan čudan oblik u kom ću sem ja ću na kraju reći o radu Skupštine, imat ću potrebu kako god da ovdje sada glasate. Ovo imenovanje je posljedica nužnosti zbog trenutnog stanja u VIK-u i ja sam potpuno svjestan koliko sam odgovornost preuzeo na sebe ovom cijelom tačkom na sebe i atipičnom ponašanjem ali o tome se mogu zahvaljivati svim članovima evo ovdje danas. Ljudi koje ovdje imenujemo su svi državni službenici sa saglasnošću svojih rukovodilaca, koji po Zakonu o državnoj službi mogu biti imenovani na ove pozicije, bez ikakvih smetnji. Nisu članovi političkih partija i nemaju te konotacije. Najodgovorniji i najozbiljniji ljudi koje sam ja u sistemu jedne od upoznao i koji su prihvatili ovaj da ovak kratak mandat zajedno sa Vladom rade na stabilizaciji uslova, sanacije preduzeća, isporuke vode, vodosnadbijevanja. Jedno prezime koje ima prezime koje ima, veze nema sa zastupnikom Kozadrom, i ja odgovorno tvrdim i stojim da ovo imenovanje nema ništa drugo osim motiva da se ovo stanje popravi. Svjestan sam naravno da je to moja lična odgovornost."

Za diskusiju se prijavio zastupnik Kemal Ademović i predložio da Skupština donese zaključak kojim zadužuje Vladu "da u skladu sa Zakonom o privrednim preduzećima preduzeme sve mjere i aktivnosti u cilju poboljšanja vodosnadbijevanja i stabilizacije preduzeća VIK-a".

SKUPŠTINA KANTONA SARAJEVO JE JEDNOGLASNO DONIJELA SLJEDEĆI ZAKLJUČAK:

"Nalaže se Vladi Kantona Sarajevo da u skladu sa Zakonom o privrednim društvima u nadležnosti Kantona Sarajevo preduzme sve mjere i aktivnosti u cilju poboljšanja stanja vodosnadbijevanja i u KJKP Vodovodu i kanalizaciji."

Premijer Elmedin Konaković se obratio Skupštini iskazujući zahvalnost svim zastupnicima u Skupštini što su zajednički pristupili rješavanju problema u Kantonu Sarajevo.

S obzirom da su iscrpljene sve tačke dnevnog reda, predsjedateljica Ana Babić je zaključila rad na 8. Hitnoj sjednici Skupštine Kantona Sarajevo.

Zapisnik izradila:

Jasminka Deliahmetović

Po ovlaštenju

SEKRETAR

PREDsjedateljica

SKUPŠTINE KANTONA SARAJEVO

SKUPŠTINE KANTONA SARAJEVO

Almira Kulovac Šetkić, dipl. Pravnik

Prof. Ana Babić

